

### 《猴仔个祖公》

頭擺有一個細阿妹仔，  
屋下無錢，去有錢人屋下做使女。  
頭家邊頭家娘看佢生著恁媿，  
毋得人惜，非常惱佢，  
常常呵呵咄咄，嫌佢手腳慢，  
做事毋伶俐，逐日喊佢愛搵水、  
洗衫褲、煮食，還愛撿樵。  
日仔過著盡在過。  
毋過佢盡好心，  
時常偷偷仔拿灶下食膾个飯菜分乞食仔。  
有一日，佢在河壩唇洗衫褲，  
看著水中央个影仔，  
想著自家生著恁媿又恁歪命，  
緊想緊艱苦，  
目汁像泉水樣仔流無停。

### 《角還佢》

頭擺頭擺，雞公頭那頂有一對盡靚个角。  
龍愛上天庭，照鏡仔看著自家个頭那頂光光一片，  
拜託蜈蚣蟲做擔保去借角，  
雞公無法度推辭，  
只好遶角借分龍。  
過忒幾日，龍還旨拿角來還，  
雞公盡緊張，走去尋蜈蚣蟲；  
蜈蚣蟲教佢：  
逐日朝晨日頭旨出來个時節，  
等對東片个山喊三聲『角還佢，角還佢，角還佢。』  
龍就會拿角還佢。